



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACIÓN “ABRINDO CAMIÑO” DE AMIGOS DO CAMIÑO NORTE A SANTIAGO

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeas, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeas e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Esta Asociación Abrindo Camiño de Amigos do Camiño Norte de Santiago ten como obxectivos os seguintes:

- *Promoción e posta en valor do Camiño Norte a Santiago en tódolos eidos*
- *Apoio ao peregrino*
- *Promoción cultural de tódolos territorios polos que transcorre o Camiño Norte e demais camiños que conducen á peregrinación a Santiago de Compostela.*

E para levar adiante os mesmos organiza, entre outras, as seguintes actividades: eventos culturais; peregrinacións, rutas de sendeirismo, xornadas, conferencias, seminarios, etc.

Esta Asociación pretende organizar as **VIII XORNADAS DO PEREGRINO “ABRINDO CAMIÑO”- FEIRAMOSTRA OS MUIÑOS 2016** a celebrar na cidade de Mondoñedo, os días 24 ao 26 de xuño e que abrangue as seguintes actividades:

1.- “FARM TREEP” CON EDITORES DE GUIAS DO CAMIÑO DE SANTIAGO DE ALEMANIA, FRANCIA E ESPAÑA.



2.- “ENCONTRO ASAMBLEA ABERTA DA AGRUPACION “CAMIÑO DO NORTE” DE ASOCIACIONES DE AMIGOS DO CAMIÑO DE SANTIAGO DO PAIS VASCO. CANTABRIA. ASTURIAS E GALICIA”

3.- “FEIRAMOSTRA DE ARTESANIA E AGROALIMENTARIA OS MUIÑOS-2016”

O orzamento total destas actividades acada os 6.600 euros.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrència pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratégico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago na súa ruta do Camiño Norte, salientando a realización dunha actividade dirixida especificamente a xornalistas especializados



- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redunda de maneira efectiva na conservación, recuperación e difusión do Camiño de Santiago e da cultura xacobeana no territorio da Mariña lucense.

b/ criterios específicos:

- A Asociación “Abrindo Camiños” de Amigos do Camiño Norte a Santiago posúe un importante número de socios no territorio do norte da provincia de Lugo.
- A implantación da Asociación no territorio da provincia de Lugo está moi consolidada.
- O seu labor de conservación e sinalización do Camiño nese territorio é amplamente recoñecido.
- Esta Asociación coas súas actividades contribúe notablemente a promoción e mantemento do Camiño neste ámbito territorial
- A declaración do Camiño Norte como Patrimonio Mundial no pasado ano implica a necesidade de afondar en accións promocionais e de información para responder ás necesidades dos peregrinos que o percorren cada ano en maior número.

O orzamento estimado para a execución das accións ascende na súa totalidade a 6.600 € distribuídos do seguinte xeito :

VIAXES. ALOXAMENTO E MANUTENCIÓN DOS PONENTES	2800 €
TROFEOS E REGALOS INSTITUCIONAIS.....	1400 €
DEMOSTRACIONS DOS ARTESANS.....	700 €
CATAS E DEGUSTACIÓNS DE PRODUTOS AUTOCTONOS NA FEIRAMOSTRA E NA ROMARIA DE A FERVENZA.....	1100 €
GASTOS MONTAXE DE STANDS NA FEIRAMOSTRA.....	600 €
GASTOS APROX. IVE incluído.....	6600 Euros

A S.A. de Xestión do Plan Xacobeo aboará a cantidade de 3.800,00 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo



XUNTA
DE GALICIA



XACOBEO
galicia

S.A. de Xestión do Plan Xacobeo
Estrada Santiago-Noia, km 3
A Barcia, 15896, Santiago de Compostela

5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscrición deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente